



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam
Magnam Arctoi Orbis Peninsvlam Ac præsertim Regna
Gothorum Sueonumq[ue] olim rebus gestis illustrarunt**

Vastovius, Johannes

Coloniæ Agrippinæ, Anno M.DC.XXIII.

Nicolaus Episcopus Linc. C.

urn:nbn:de:hbz:466:1-38534

S. NICOLAUS EPISCOPVS LINCOPENS. FLORVIT

ANNO CHRISTI 1391.

BONIFACIO IX. Pontifice.

VENCESLAO Imperatore.

MARGARETA Regina.

*S. Nicolaus
pietate, literis
& prudentia
clarus.*

*Fit Episcopus
& Archicamerarius
Regni.*

*Deploranda
Regni facies.*

*Iniquis Regi-
bus se opponit
S. Nicolaus.*

*Anathemate
eos percutit.*

*Ieiuniis ac vi-
giliis se affli-
git.*

*Obiit miracu-
culis celebris.*

SANCTVS Nicolaus Scheningia honesto loco natus Petri Archiepiscopi de quo superius ex sorore nepos, cum esset ingenio ac pietate singulari à natura præditus, insuper literis felicissime excultus fuit, & post sacros ordines Archidiaconatum Lincopensem meruit, dehinc etiam Episcopatum, quâ dignitatem cum Senatoria Archicamerarius coniunctam summa prudentia, æquitate & vigilantia difficilimo Reipub. tempore gessit. Enim vero Magno & Alberto Regibus ea rerum facies erat quæ extremam Sueciæ ruinam minitaretur, gliscabant factiones perniciosissimæ, conculcabantur leges, sacra prophanis miscebantur. Quibus malis Nicolaus diu qua potuit ope & consilio obuiam iit, sed cum apud induratos in malo Reges præsertim Haquinum Noruegiæ Magni filium & Albertum Sueciæ nihil prorsus proficeret, anathematis eos vinculo innodauit. Zelus domus Dei comederat illum & opprobria exprobrantium, priuilegijs Ecclesiæ derogantium, ceciderant super cor eius. Cupiebat dissolui & esse cū Christo non tam propter laboris & sollicitudinis molestiâ quam quod multiplicatis in Regno malis, sine Ecclesiarij & Cleri sui dispendio, impetum facinorosorum à Domo Domini arcere nō potuit. Quamobrem sese per longum tempus in abditum quendam locū inclusit soli Deo vacans in ieiunijs, vigilijs, & orationibus pastoralibus etiam sollicitudine intermissa, donec monitus à S. Catherina Vasthenensi, exiit, & elegit affligi cum populo Dei, diuitias æstimans, cū longanimitate & patientia portare improprium Christi. Verificabatur in illo sapientis illud elogium. Da inquit sapienti occasiōē & addetur ei sapientia: doce iustum, & festinabit accipere. Itaque multis pro patria & Ecclesia Dei confectus laboribus, charitate, humilitate, vitæque innocentia clarus, migravit ad Dominum anno salutis millesimo trecentesimo nonagesimo primo cum sedisset annis decem & septem, sepultus Lincopiæ in Cathedrali Ecclesia miraculis celebris Diuorumque Catalogo inscriptus in concilio Basiliensi.

De eo Chronicon Eporum Lincopen. & alij scriptores rerum Suet. lib. 6. reuel. D. Brigitta c. 71. lib. 7. c. vlt. in additōne & in prologo lib. extru. S. Ansgarij & Birgittæ vias conscripsit.

PETRVS